



# Plata dla Ploania Antermëia Sant'Antone Abat

Ploan: **siur Klaus Sottsass**  
E.mail: [klsottsas@rolmail.net](mailto:klsottsas@rolmail.net)

Tel. 344 1554055

UNITÉ PASTORALA



**VAL BADIA**

[www.unitepastorala.org](http://www.unitepastorala.org)

Ann **A**

**01.03.2026 - 08.03.2026 - Secunda domënia de  
Carsëma**

**n. 14**

## Les strades dla salvëza

 **Gen 12, 1–4a | 2 Tim 1, 8b–10 | Mt 17, 1–9**

### Dal Vangele do San Mt 17, 1–9:


Te chël tëmp <sup>1</sup>à Gejù tut Pire, Iaco y so frè Jan da na pert y i à condüt sön na munt alta. <sup>2</sup>Y al é gnü trasfiguré dan sü edli; so müs lominâ sciöche sorëdl y sü guané é gnüs blané adorbëné sciöche la nëi. <sup>3</sup>Te n iade é aparì Mosè y Elia dan da d'ëi y ai baiâ cun Gejù. <sup>4</sup>Dailò ti à Pire dit: Al é bun ch'i sun chilò. Sce t'ôs, fajarai sö chilò trëi üties, öna por tè, öna por Mosè y öna por Elia. <sup>5</sup>Çiamò tratan ch'al baiâ, él stè n nio lominus che i à curì cun süa ambria. Y fora dl nio à scraié na usc: Chësc é mi Fi bunorü, te chël ch'i à ciafè plajëi; ascutédele! <sup>6</sup>Canche i discepui â aldì chësc, ài ciafè na gran tëma y s'â petè col müs ia por tera. <sup>7</sup>Dailò ti é Gejù jü pomez, i à pié ite y ti à dit: Lovede sö y ne ede nia tëma! <sup>8</sup>Canch'ai â ciarè sö, n'odôì plü degügn, ater co Gejù. <sup>9</sup>Tratan ch'ai jô jö dla munt, i à Gejù comanè: Ne stede a ti cuntè a degügn cí ch'i ëis odü cina che le Fi dl Om ne n'é ressorì dai moré.



### ANTIFONA

Fora dal nío lominûs aldin  
la usc dal Pere: Chësc é mi  
Fi bunorü; ascutédele!

---

 *Letöres dla Terza domënia de Carsëma:*  
**Es 17, 3–7 | Rom 5, 1–2.5–8 | Jan 4, 5–42**

## Edema liturgica dai 01.03. ai 08.03.2026

2026	Ora	Mëssa
<b>Secunda domënia de Carsëma 01.03.2026</b> <i>Albin, Davide</i>	<b>9:30</b> <b>10:00</b>	<b>Staziuns (uniun ëres)</b> <b>S.Mëssa por la comunité</b> <i>Siur Klaus</i>  aniv. + Valentin Castlunger aniv. + Giovanni Clara – Colmesan por familia de Pepi Tasser
<b>LÖNESC - 02.03.2026</b> <i>Agnese da Prag, Ines</i>		<i>19.00 - S.M. a La Plî</i>
<b>MERTESC - 03.03.2026</b> <i>Cunigunda, Tobia, Friedrich</i>	<b>7:30</b>	<b>S.Mëssa di scolari</b> <i>letur: Verena</i>  en onur di S. Angeli Custodi + Jule Sottrovich
<b>MERCUI – 04.03.2026</b> <i>Casimir, Teofil</i>		
<b>JÖBIA - 05.03.2026</b> <i>Oliva, Dietmar</i>		<i>19.00 - S.M. a San Martin</i>
<b>VËNDRES - 06.03.2026</b> <i>De mondial d'oraziun dles Eres   Fridolin, Coleta</i>	<b>17:00</b>	<b>Staziuns</b>
<b>SABEDA - 07.03.2026</b> <i>Perpetua y Felizita, Reinhard</i>		<i>18.30 S.Mëssa p'efestiva a San Martin</i>
<b>Terza domënia de Carsëma - 08.03.2026</b>  <i>De dla solidarieté   Jan de Dî, Georg Michael</i> 	<b>9:30</b> <b>10:00</b>	<b>Staziuns (uniun di jogn)</b> <b>S.Mëssa por la comunité</b> <i>Don Marco</i>  aniv. + Elisabeth Rubatscher aniv. + Franz Irsara aniv. + Milio Prada ++ de Giovanna Prada  <b>Oferta – Dé d'oraziun por les ëres</b>



## Informaziuns y terminns

En vëndres ai 6 de merz vëgnel tigní le “**Dé mondial d’oraziun dles ères**”. Nos le tignun la domènia ai 8 de merz y la oferta vá por proiec da daidé les ères, dandadöt tla Nigeria.

A **Oies** vëgnel chirí dös porsones por paisc por **puzené la dlijia**. Al tocass dui iadi al ann. Prëibel sce valgügn/önes toléss sö da fá chësc sorvisc por le Santuar de nosta valada, dilan. Prëibel lascésse adintëne pro Silvia.

**Cambiamënc tl Decant Val Badia:** Do la disposiziun dl Diozeja ( Dlijia ) él preodü che n Ploan / Degan dais jö chëstes inciaries cun l’eté de 80 agn; chësc vel ince chësc ann por siur Iaco W. Willeit. A so post él gnü nominé siur Klaus Sottsas degan dla Val Badia y Ploan de dütes les Cüres dla valada, dal 1. de setëmber 2026 inant. Chësc cambiamënt porta a na nòia situaziun de colauraziun di Proi ( ince Chi da Oies ) y de plü impëgn dles tan de porsones laiches a sorvisc de nostes comunitês.

Dai 2 ai 8 de merz vëgnel tigní te nosta Diozeja l’Edema dla Pesc a chëra che ince nos fajun para. Dötes y düc é bel inviá le mertesc ai 3 de merz a na **Prozesciun por la Pesc**: I piun ia dales 18.00 dala dlijia de San Linert demez y i jun cina a Oies. Dailó sarál na incuntada cun letöres de tesć, poesies, testimonianzes y musiga. Gnide tröc

**Curs de formaziun abilitant por insegnantes y insegnanc de religiun tla scora elementara** Le curs é preodü por porsones che é bele tl monn dl laur, che á ligrëza da se dé jö cun mitans y mituns y á interes por domandes religiose, teologiches y etiches. Al mët man d’agost 2026 y vá cina ma 2029, da dui a trëi iadi al mëis le vëndres domisdé (la maiú pert online) y la sabeda döt le de en presënza a Porsenú tla « Philosophisch-Theologische Hochschule ». Da s’anunzié prëibel cina ai 15 de merz. Informaziuns plü avisa ciafon sot: <https://www.pthsta.it/studium/religionsunterricht-in-grundschule>.

Le mercui, ai 4 de merz éle dales 20.00 te dlijia da La Val na **ora de oraziun por l’interzesciun de siur Heinrich Videsott** cun esposiziun dl santiscimo.

I **seniors y les seniores da San Martin y Antermëia** é dër bel inviá al **iade por sanc a Spinges**, en vëndres ai 06 de merz y dedô marëna dal Gummererhof a Porsenú . I s’abinun dales 8.30 sön plaza dl paisc da San Martin. Prëibel prenotésse pro Leo Crepaz 348 409 6351 cina en dedolönesc ai 03 de merz.

**L'Uniun Teater La Val EO** porta la **comedia “LE JÜCH”** sön paladina. Al é n toch de teater che se basëia sön le film “Perfetti sconosciuti” de Paolo Genovese, n film che á arjunt n suzes straordinar. Le toch é acunsié a n publich adult da 14 agn insö. Les representaziuns tl salf Domëne Moling é: *vën 20.03 dales 20.00 - dom 22.03 dales 20.00 - mer 25.03 dales 20.00 - sab 28.03 dales 20.00 - dom 29.03 dales 18.00*. Prenotaziuns ai nr. 340 8951293 o 333 4616848 por sms tres o telefon dales 18.00 ales 21.00

**Iscriziuns “online” ala Scora de musiga por l’ann ann de scora 2026/2027** - Les iscriziuns ales Scores de musiga dla Provinzia vëgn fates “online” dai 01.03.2026 cina ai 31.03.2026 tres le sorvisc dl’aministrazion provinziala “myCivis” <https://civis.bz.it/einschreibung-musikschule>. L’azes al sorvisc online vá tres SPID o CIE (cherta d’identité eletronica). Informaziuns plü avisa te secretariat dla Scora de musiga a La Ila: Tel. 0471/847748 o sot a [www.musikschule.it](http://www.musikschule.it)



Tla storia dla trasformaziun él bele le fió de Pasca. Gejú trasformé slomina tla löm dla doman dla ressureziun. Mo ara n'é nia ciamó tan inant. Dan la löm él le scür dla soferënza y dla mort. Mo al nes vëgn recordé adora tl tēmp de Carsëma ch'al gnará lominus tla scürité.

	03.03.2026	Barbara - Lena
	08.03.2026	Karol – Magdalena – Gabriel - Maximilian
	08.03.2026	Martina Dejaco
	<p>Les mius aodanzes por le compliagn ti fajunse a <b>Devall Otto (77)</b> y <b>Irsara Pietro (89)</b>. Döt le bun.</p>	

**Impressum:**  
**Comunicaziuns:**  
**Download:**

Ploania Antermëia - redaziun Carlo Piazza  
cina la jöbia sëra a [carlo.piazza@hotmail.com](mailto:carlo.piazza@hotmail.com) | o tel. 3803520465  
[www.unitepastorala.org](http://www.unitepastorala.org) | [www.comun.sanmartindetor.bz.it](http://www.comun.sanmartindetor.bz.it)